



Inuit Ataqatigiit Inatsisartuni

Ulloq: 21. marts 2007
Olga P. Berthelsen

Inatsisartut Suleriaasianni § 36, imm. 1. naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqut: Matumuuna Naalakkersuisunut apeqqutigaara, inissiat tuniniarneqarsimasut – maanna eqqartorneqaqisut – nalunaarut, qanga atortuulersinneqarsimasoq tunngavigalugu tuniniarneqarsimanersut?

Suli nalunaarut tunngavigineqarsimasoq atortinneqarnersoq, atortussaajunnaarsinneqarsimagunilu qanga atortussaajunnaarsinneqarsimanersoq?

Ilanngullugu apeqqutigissavara inissiat tuniniarneqarnerini aningaasalersuieriaaseq sorleq tunngavigalugu tuniniarneqarsimanersut?

(Inatsisartuni ilaasortaq: Olga P. Berthelsen, Inuit Ataqatigiit)

Tunngavilersuut:

Taamatut apeqquteqarninnut tunngaviuvoq, maannamut ersarissumik takusinnaannginnakku inissianik tuniniaasarsimanermut tunngatillugu, maleruaqqusatigut suna tunngavigineqarsimanersoq.

Taamatut erseqqinngitsoqarneranut peqqutaanersoq, nalunaarutip tunngavigineqarsimasup atortussaajunnaarsinneqarsimanera, imaluunniit allamik taarserneqarsimanera.

Inuit Ataqatigiinniit isumaqarpugut maleruaqqusat ersarissuusariaqartut, innuttaasunullu tamanut atuussinnaanngorlutik aqqissorneqarsimasariaqartut.

Naggataatigut apeqqutigisannut tunngavigaara, isumaqarama pisariaqartoq inuiaqatigiit ersarissumik paasissagaat, tunisinermi pisortat aningaasartuutigisimasaat qanoq annertutiginersut.